

Fa'afofoga maia 'o Samoa
Se'i fai la'u tala 'iā Laifaleava
Ma lona afafine na mana'o 'i le tama
'O Taemanutava'e 'o lona igoa lenā.

'Ua pati lima Lea'auta
'Ua maua lea 'o le tama
Taunu'u ai le upu fa'a-Samoa
Noatia le ulu o tamāloa

'Ua taunu'u mai nei le malaga
O Laifaleava ma le teine 'o Lea'auta
Ona ō ai lea, taunu'u 'i le faigagana
Fa'asino ai lea 'o le ala 'i le taisala.

'Ua sāuni nei 'o le tama ma lona va'a
E alu le tā'elega 'ua mālosi tafaga
Ata lea le toea'ina ona 'o le togafiti 'ua pā
Malaia si ali'i 'o le ulu 'ua noanoa.